

Nym Poley / stos yhn wol / send yhn ynn wasser  
drey odder vier stunden / vnd trinck es / als warm du es  
erleiden magst. Item / isse offt Coriander / vnd lasse  
am beyne ob der knyeseiben / schwindelt dir sehr / so  
las dir fassen ein kornlein eychen mistel vñ ein korallē /  
trags am hals blos an der haut / vnd las Flee ynn  
wasser sieden / vnd lege den auff das heubt vnd an den  
schlaff.

Ein anders.

Drey von holder blüten / sein auch darfur gut.

### Zu den Augen.

Wenn ein die augen schweren / der neme gehechel-  
ten hanff / lege den ynn ein kalt wasser / winde yhn den  
also nass yn ein leines tüchlein / bind das hynten auff  
den hals / vnd las vber nacht darauff ligen / es zuecht  
den flus hynweg.

Ein anders.

Nym ein vngesaltzen gays odder zigen kes / wirff  
den ynn ein siedens wasser / drück das schmaltz her-  
aus vnd sayn es auch abe von dem wasser / darnit  
salb deine augen.

Wenn die augen geschwellen vnd rot sein von geblüt.

Nym das weis von ein ay / geus es ynn ein küpffe-  
repfannen / thu darzu tauben blut / das zwinge aus  
den feddern die ynn den achsseln stehen / werme das  
vnd streichs an die augen.

Für fehle ynn den augen / sagt Dypocras.

Nym einer schwarzen Katzen haubt / vnd brenn es  
also gantz zu puluer / vnd see es ynn das ange / were es  
ein iar vngesehend gewesen / yhm würde das.

Zu den augen die edelste artzney / sagt

Wilhelmus de noua villa.

Nym das kraut Lufragiā / augen trost / odder lie-  
cht kraut genennet / legs ynn wein odder most vnd  
trinck